

Mazarin

3527

Le Retour de l'abondance

UNIVERSITY OF N.C. AT CHAPEL HILL



00023020400

**RARE BOOK
COLLECTION**



**THE LIBRARY OF THE
UNIVERSITY OF
NORTH CAROLINA
AT
CHAPEL HILL**

Mazarin
3527

3727
LE RETOUR
DE
L'ABONDANCE

Dans les Ports & Places & Pu-
bliques de la ville de Paris.

En Vers Burlesques.

Bibliogr. du Magas., n° 3527.

A PARIS,
Chez MATHVRIN HENAVLT.


M. DC. XLIX.

Avec Permission.

LE RETOUR
DE
L'ABONDANCE
Dans les Ports & Places & Pu-
bliques de la ville de Paris
En Vers Buielques

A PARIS
Chez MATHURIN HENNAULT

M. DC. XLIX.
Paris



LE RETOUR DE L'ABONDANCE

Dans les Ports & Places Publiques
de la ville de Paris.



E vay chanter avec plaisir
L'accomplissement du desir
D'un Peuple tousiours tres-fidele;
Quoy qu'on le traicte rebelle.
C'est de ce Peuple de Paris,
Puisque c'est pour luy que i'escriis;
Et que c'est luy dont l'innocence
A merité cette Abondance.
Depuis l'absence de son Roy,
Qui luy faisoit venir de quoy,
Faisant subsister le commerce
Qui s'en alloit à la renuerse,
Si par vn soudain changement
La face du gouvernement
Paroissant vn peu plus tranquille,
N'eust raitaillé nostre ville.
Aussi cét Enfant Dieu-donné

A nostre bon-heur destiné
 Donne déia des esperances,
 Qui vont passer pour assurances.
 C'est luy seul qui peut tout pour nous,
 C'est luy seul qui nous garde tous:
 C'est à luy seul que nos personnes
 Doiuent conquister des Couronnes;
 Et comme de braues Soldats,
 Le suiure parmy les combats.
 Aussi-tost que l'on luy propose
 La iustice de nostre cause,
 Et le zele des Parisiens
 A viure & mourir tousiours siens;
 Ce Prince des Rois la merueille
 Y prestant volontiers l'aureille,
 Prend publiquement le party
 Dont il a semblé diuerty.
 Cét Enfant au sein de sa mere,
 Rend sa Maiesté moins seuerre,
 Et luy leue l'opinion
 Qu'elle auoit de nostre vnion,
 Croyant qu'elle estoit par caprice
 Promise contre son seruice:
 Mais si tost que le procedé
 Que nous auons tousiours gardé,
 S'est fait voir dedans sa simplessse
 A nostre equitable maistresse,
 Elle a mis bas tous les proiets

Concertez

5
Concertez contre les subiets,
Et fair retirer les cohortes,
Pour nous laisser libres nos portes.
En fin pour finir nos souhaits,
Elle fait traicter de la Paix.
Chacun en reçoit par auance
Soulagement en sa souffrance ;
Par tout on void déjà le fruit
Que iusqu'à nous elle conduict.
Les marchez pleins de marchandise
Nous font connoistre sa franchise;
Et chacun de ioye est épris
Pour la modicité du prix
Dont chaque chose est acheptée,
Que l'on voyoit si haut montée,
Quand on vendoit plus cherement
L'orge, qu'on ne fait le froment.
Quand aux boutiques dégarnies,
On exerçoit des tyrannies.
Les regratiers de main en main
Faisants neuf fois passer vn pain,
Auant qu'il fust en mains bourgeoises,
Causoient bien souuent maintes noises.
Personne auiourd'huy n'en veut plus;
Tous leurs destours sont superflus.
Ces gros Marchands faisans les rogues,
Comme en Angleterre les dogues,
Sont maintenant bien addoucis,

Voyants leurs gains si racourcis,
 Leur humeur deuient plus ciuile
 Enuërs les Bourgeois de la ville,
 Ils vont commencer à leur tōur
 A leur souhaiter le bon iour,
 Disants ne faut-il rien du nostre,
 Monsieur? ne cherchez point à d'autre
 Vn autre vous promet de loin,
 Meilleur marché que son voisin.
 Aux halles on reuoid la Sole
 Qui beaucoup de monde console,
 Et nommément les Religieux
 Qui ne peuuent se nourrir d'œufs,
 Ny se feruir d'aucune viande,
 Puisque la regle leur commande
 D'en laisser la permission
 Aux gens d'autre condition,
 A qui par certaine indulgence
 On a donné cette allegeance
 Pour calmer vn peu leur ennuy;
 Mais qui va finir auiourd'huy.
 Admirons donc la Prouidence
 Qui nous ramene l'Abondance
 Monstrant précisément son soing,
 Lors qu'on a plus de besoin.
 La terre & l'eau sembloient desertes,
 Maintenant on les void couuertes
 Toutes les deux de tant de biens

Qui viennent à nos Parisiens;
Que chacun choisit à son aise
La marchandise qui luy plaise.
On trouue dedans vn marché
Ce qu'en vain on auoit cherché
Par toutes les Places publiques,
Et de boutiques en boutiques:
Maintenant les petits enfans
Trouuent les échaudez bouillans,
Les gasteaux & patisseries
Qu'ils croyoient tout à fait bannies
Des boutiques des Pâtisiers.
Quand ils y portent leurs deniers;
Chacun plus volontiers y vole,
Qu'il n'alla iamais à l'escole.
Le pauvre qui crioit au pain,
En rencontre dessous sa main,
Dés qu'il a tiré quelques doubles
Ce qu'il n'eut peu durant les troubles
Qu'auoit apporté le blocus,
S'il ne tiroit iusqu'aux escus.
Bref chacun trouue sans enuie
Les necessitez de la vie;
La presse est cessée en tous lieux
Et l'on apporte à qui mieux mieux;
Ou si l'on void encor la presse,
C'est le vendeur qui vient sans cesse,
Et non l'acheteur qui la fait,

Puisqu'il trouue tout à souhait:
 Et que le Bourgeois voulant mordre,
 Auoit déia donné bon ordre
 A faire les prouisions
 Necessaires dans leurs maisons,
 En fin par tout nostre Abondance
 Apporte la reioüissance,
 Remediant à nos besoins
 Elle fait tarir tous nos soings:
 Graces donc à la Prouidence
 Qui nous redonne l'Abondance:

F I N.

